

Grindweg 18
8422 DN Nijeberkoop
Postgiro: 49 08 902
KvK nr. : 01 104714
Fiscus: NL8135.89.769.B01
www.stellingwerfs-eigen.nl

Daotum: 8 september 2005.
Onderwarp: Uutneudiging.

Achte vrouwluden en manluden,
Op zaoterdag 24 september om 10:30 ure holen we tegere mit It Fryske Gea een (bescheiden) fesien bi'j et arkje van wijlen Rink van der Velde op 'e Veenhoop (an de Drachtster Heawei van De Wilgen naor De Veenhoop). Dat plak heurt now toe an It Fryske Gea.

Wi'j van de stichting Stellingwerfs Eigen, prissentieren daor dan oons boek '**Wieshied uut de Biebel in et Stellingwarfs**' (in romanvorm) en willen et eerste boek an Uiltsje Hosper uutrikken. Et twiede boek is veur de winner van et bescheid op oonze kriptische vraoge uut Prediker, op wat plak we doelen mit: *"Zoas de vissen deur de foeke verraodelik vongen wodden en de voegels deur et flapnet, krek zo zal de meenske deur de tied overvalen wodden."*

It Fryske Gea zal daor op heur beurt hiele mooie plannen bekend maeken die ze in overleg mit Tresoar uutwarkt hebben en waor alle schrievers uut Friesland nog wel es slim bliede mit wezen kunnen!

We zullen et slim op pries stellen aj'm even langes kommen zollen en neudigen jim daor dan – mit disse brief – ok graeg toe uut.

Aj'm meer van oonze vodderings van et vertaelen van de **Biebel in et Stellingwarfs** weten willen, dan kuj'm wel es kieken op oonze webstee: www.stellingwerfs-eigen.nl

Graeg tot kies es op zaoterdagmorgen de 24^{ste} september om 10:30 ure bi'j et arkje van Rink op 'e Veenhoop.

Mit vrundelike groeten,
Stichting Stellingwerfs Eigen
Frank de Vries (veurzitter)
Piet Bult (siktaoris)